

"Өсімдік шаруашылығы өнімінің шығымдылығы мен сапасын арттыруға жергілікті бюджеттерден субсидиялау қағидасын бекіту туралы" Қазақстан Республикасы Үкіметінің 2011 жылғы 4 наурыздағы № 221 қаулысына өзгерістер мен толықтырулар енгізу туралы

Күшін жойған

Қазақстан Республикасы Үкіметінің 2013 жылғы 20 қыркүйектегі № 988 қаулысы . Күші жойылды - Қазақстан Республикасы Үкіметінің 2014 жылғы 23 маусымдағы № 696 қаулысымен

Ескерту. Күші жойылды - ҚР Үкіметінің 23.06.2014 № 696 қаулысымен (алғашқы ресми жарияланған күнінен кейін күнтізбелік он күн өткен соң қолданысқа енгізіледі).

Қазақстан Республикасының Үкіметі **ҚАУЛЫ ЕТЕДІ:**

1. «Өсімдік шаруашылығы өнімінің шығымдылығы мен сапасын арттыруға жергілікті бюджеттерден субсидиялау қағидасын бекіту туралы» Қазақстан Республикасы Үкіметінің 2011 жылғы 4 наурыздағы № 221 қаулысына (Қазақстан Республикасының ПҰАЖ-ы, 2011 ж., № 23, 29-құжат) мынадай өзгерістер мен толықтырулар енгізілсін: көрсетілген қаулымен бекітілген Өсімдік шаруашылығы өнімінің шығымдылығы мен сапасын арттыруға жергілікті бюджеттерден субсидиялау қағидасында:

6-тармақ мынадай редакцияда жазылсын:

«6. Бөлім субсидиялар алу үшін құжаттар қабылдаумен басталатын және аяқталатын күнді белгілейді және құжаттарды қабылдау мерзімі мен басқа да қажетті мәліметтерді көрсете отырып, ВАК-тың жұмыс тәртібін жергілікті бұқаралық ақпарат құралдарында жариялауды қамтамасыз етеді.»;

8-тармақтың 4) тармақшасы мынадай редакцияда жазылсын:

«4) субсидияланатын тыңайтқыштар мен гербицидтердің түрлері және отандық өндірушілер сатқан тыңайтқыштардың 1 тоннасына (литріне, килограммына), тыңайтқыш жеткізушіден және (немесе) шетелдік тыңайтқыш өндірушілерден сатып алынған тыңайтқыштардың 1 тоннасына (литріне, килограммына), гербицид жеткізушілерден сатып алынған гербицидтердің 1 килограммына (литріне) арналған субсидиялардың нормалары белгіленеді.»;

10 - тармақта:

1) тармақша мынадай редакцияда жазылсын:

«1) дәнді дақылдар (күріштен, дәндік жүгеріден басқа) бойынша – егіс

науқанының қорытындылары бойынша 1 гектарға субсидиялардың базалық нормасы бойынша 100 %. Бұл ретте тұқымды себу үшін пайдалану «Тұқым шаруашылығы туралы» 2003 жылғы 8 ақпандағы Қазақстан Республикасы Заңының 13-бабымен регламенттеледі.

Осы дақылдар ғылым ұсынған құрамында сүрі жердің (пар) үлесі бар аймақтық ғылыми негізделген агротехнологияларды сақтай отырып және (немесе) негізгі элементтерді: егіске дейін топырақты құрамында глифосат бар жаппай қолданылатын гербицидтермен көктемгі егіс алдындағы химиялық өңдеуді, арнайы сепкіштермен немесе нөлдік технологияға сәйкес келетін себушілері бар себу кешендерімен себуді, сабанды міндетті түрде ұсақтау мен біркелкі шашып тастай және аңызды биік қылып қалдыра отырып егін жинауды қамтитын нөлдік технологияларды (no-till) қолдана отырып өсірілген жағдайда базалық нормаға карағанда көбейтілген субсидия төленеді.

Б ұ л р е т т е :

1) себу Қазақстан Республикасында пайдалануға жол берілген Мемлекеттік селекциялық жетістіктер тізіліміне енгізілген және (немесе) перспективалы деп танылған сұрыптардың үшінші репродукциясынан кем емес тұқымдармен жүзеге асырылады ;

2) базалық және субсидиялардың көбейтілген нормаларын төлеу дәнді дақылдар түрлерінің өңірлердегі басымдылығына қарай сараланып жүзеге асырылуы мүмкін ; » ;

2) тармақшаның бірінші абзацы мынадай редакцияда жазылсын:

«2) майлы дақылдар, күріш, дәндік жүгері, сүрлемдік жүгері, сүрлемдік күнбағыс, мақта, көкөніс-бақша (қорғалған топырақ жағдайында өсірілетін көкөніс дақылдарын қоспағанда), жемшөптік, оның ішінде бірінші, екінші және үшінші өсу жылдарындағы бұршақ тұқымдас көпжылдық шөптер, жеміс-жидек дақылдары, жүзім және картоп бойынша – егіс науқанының қорытындылары бойынша базалық норма бойынша 1 гектарға 100 % жүзеге асырылады.»;

3) тармақшаның бірінші абзацы мынадай редакцияда жазылсын:

«3) қорғалған топырақ жағдайында өсірілетін көкөніс дақылдары бойынша – жылыжайдың түріне байланысты сараланған түрде және өкілетті органның ғылыми-техникалық кеңесінің шешімімен мақұлданған көкөніс дақылдарын өсіруге жұмсалатын шығындар нормативтеріне сәйкес алынған өскін қортындылары бойынша (1 шаршы метрге өнген өскіннің кемінде 95%) әрбір дақыл айналымын бір гектарға көзделген жылдық субсидиялар нормалары бойынша әрбір дақыл айналымына бөлек 50 %-дан жүзеге асырылады.»;

4) тармақша мынадай редакцияда жазылсын:

«4) шабындық және (немесе) жайылымдық жерге шөп егіп жаңарту және (немесе) түпкілікті жақсарту үшін егілген көп жылдық шөптер бойынша (көп

жылдық шөптердің көнежастығы егістігін жырту ғана ескеріледі) – субсидиялардың базалық нормасы бойынша 1 гектарға жүзеге асырылады.»;

11-тармақ мынадай редакцияда жазылсын:

«11. Мынадай жағдайларда:

1) көкөніс-бақша дақылдары ашық топырақта, майлы дақылдар, дәндік жүгері, сүрлемдік жүгері, картоп, қант қызылшасы мен мақта өнеркәсіптік үлгідегі тамшылатып суару жүйелерін, өнеркәсіптік үлгідегі спринклерлік суару жүйелерін қолдана отырып өсіргенде. Бұл ретте өнеркәсіптік үлгідегі тамшылатып суару жүйесі: сорғы станциясын, гидроциклонды (немесе сүзгіш қондырғыларын), гидроазықтандырғышты, қысым реттегішті, су өлшегішті және тамшылатқышы бар құбыржолдар жүйесін қамтуға тиіс;

2) суармалы түрде көп жылдық шөптерді, оның ішінде бірінші, екінші және үшінші өсу жылдарындағы көп жылдық бұршақты шөптерді және шабындық және (немесе) жайылымдық жерге шөп егіп жаңарту және (немесе) түпкілікті жақсарту үшін егілген көп жылдық шөптерді (көп жылдық шөптердің көнежастағы егістігін жырту ескеріледі) өсіргенде субсидия нормасы субсидиялардың базалық нормасымен салыстырғанда көбейеді.»;

12-тармақтың бірінші бөлігі мынадай редакцияда жазылсын:

«12. Субсидиялар егістік жерде өсірілетін оңтайлы мерзімде себілген басым ауыл шаруашылығы дақылдарының және (немесе) шабындық және (немесе) жайылымдық жерге шөп егіп жаңарту және (немесе) түпкілікті жақсарту үшін егілген көп жылдық шөптердің алқаптарына ғана төленеді.»;

13-тармақтың 1) тармақшасы мынадай редакцияда жазылсын:

«1) заңды тұлғаны мемлекеттік тіркеу (қайта тіркеу) туралы куәліктің* немесе анықтаманың көшірмелерімен (жеке тұлға үшін – жеке басын куәландыратын құжаттың және дара кәсіпкерді мемлекеттік тіркеу туралы куәліктің көшірмелерімен).

Ескертпе: *«Қазақстан Республикасының кейбір заңнамалық актілеріне заңды тұлғаларды мемлекеттік тіркеу және филиалдар мен өкілдіктерді есептік тіркеу мәселелері бойынша өзгерістер мен толықтырулар енгізу туралы» 2012 жылғы 24 желтоқсандағы Қазақстан Республикасының Заңы қолданысқа енгізілгенге дейін заңды тұлғаны (филиалды, өкілдікті) мемлекеттік тіркеу (қайта тіркеу) туралы берілген куәлік заңды тұлғаның қызметін тоқтатқанға дейін жарамды болып табылады;»;

14-тармақтың бірінші абзацы мынадай редакцияда жазылсын:

«14. Дәнді дақылдарды (күріштен, дәндік жүгеріден басқа) өндірумен айналысатын АШТӨ базалық нормаға қарағанда көбейтілген субсидия алушылардың тізіміне енгізу үшін осы Қағиданың 13-тармағында көрсетілген құжаттарға қосымша:»;

14-1-тармақ мынадай редакцияда жазылсын:

«14-1. 1 тонна өндірілген қант қызылшасына субсидия алу үшін АШТӨ бөлімге мынадай құжаттарды:

1) тапсырылған қант қызылшасының көлемін тексеру актісін қоса бере отырып, қант зауытымен қант қызылшасын сатып алу-сату бойынша шарттың (сатылған кезде) көшірмесін;

2) қайта өңдеуге тапсырылған қант қызылшасының көлемін тексеру актісін қоса бере отырып, алыс-беріс қант қызылшасын қайта өңдеу қызметтерін көрсету туралы шарттың көшірмесін ұсынады.»;

23-тармақ мынадай мазмұндағы екінші бөлікпен толықтырылсын:

«Аудан (облыстық маңызы бар қала, Астана және Алматы қалалары) әкімі екі жұмыс күні ішінде АШТӨ-нің тізімін бекітеді.»;

25-тармақтың үшінші бөлігі мынадай редакцияда жазылсын:

«Тиесілі субсидияларды АШТӨ-нің банк шоттарына аударуды басқарма тиісті жылғы 1 желтоқсанға дейін жүзеге асыратын осы Қағиданың 10-тармағының 2-1) және 3) тармақшаларында көрсетілген жағдайларды қоспағанда, тиесілі субсидияларды АШТӨ-нің банк шоттарына аударуды басқарма тиісті жылғы 15 қыркүйекке дейін жүзеге асырады.»;

29-тармақтың 3) тармақшасы мынадай редакцияда жазылсын:

«3) заңды тұлғаны мемлекеттік тіркеу (қайта тіркеу) туралы куәліктің немесе анықтаманың көшірмесінен (жеке тұлға үшін – жеке басын куәландыратын құжаттың және дара кәсіпкерді мемлекеттік тіркеу туралы куәліктің немесе анықтаманың көшірмелерінен);»;

69-тармақтың бесінші бөлігі мынадай редакцияда жазылсын:

«Бұл ретте осы Қағиданың 8-тармағының 4) тармақшасында көзделген тыңайтқыштар пен гербицидтер түрлеріне арналған субсидия нормаларын белгілеген кезде тыңайтқыш жеткізушілер мен гербицид жеткізушілер сататын шетелдік өндіріс тыңайтқыштарының және (немесе) гербицидтерінің құны ұқсас отандық өндіріс тыңайтқыштарының және (немесе) гербицидтерінің құнынан аспауы тиіс, отандық және шетелдік өндіріс тыңайтқыштары мен гербицидтеріне арналған субсидия мөлшерлері арасындағы айырмашылық осы Қағиданың 69-тармағында белгіленген айырмашылыққа бара-бар сәйкес болуы тиіс.»;

71 - тармақта:

бірінші бөлікте:

1) тармақша мынадай редакцияда жазылсын:

«1) заңды тұлғаны мемлекеттік тіркеу (қайта тіркеу) туралы куәліктің* немесе анықтаманың көшірмелерін (жеке тұлға үшін – жеке басын куәландыратын құжаттың және дара кәсіпкерді мемлекеттік тіркеу туралы куәліктің көшірмелерін).

Ескертпе: *«Қазақстан Республикасының кейбір заңнамалық актілеріне заңды тұлғаларды мемлекеттік тіркеу және филиалдар мен өкілдіктерді есептік тіркеу мәселелері бойынша өзгерістер мен толықтырулар енгізу туралы» Қазақстан Республикасының 2012 жылғы 24 желтоқсандағы Заңы қолданысқа енгізілгенге дейін заңды тұлғаны (филиалды, өкілдікті) мемлекеттік тіркеу (қайта тіркеу) туралы берілген куәлік заңды тұлғаның қызметін тоқтатқанға дейін жарамды бо л ы п т а б ы л а д ы ; » ;

8) тармақша мынадай редакцияда жазылсын:
«8) химиялық өнімді тіркеу туралы куәліктің (минералдық тыңайтқыштар үшін), сатып алынған тыңайтқыштар мен гербицидтерге арналған сәйкестік сертификаттарының көшірмелерін;»;

мынадай мазмұндағы үшінші бөлікпен толықтырылсын:
«Игерілмеген қаражат қалыптасқан және (немесе) қосымша қаражат бөлінген жағдайда ВАК-тың жұмыс органы жергілікті атқарушы органдар белгілеген мерзімде жоғарыда көрсетілген құжаттармен қоса қосымша өтінімдер қабылдауды жүзеге асырады.»;

75-тармақ мынадай редакцияда жазылсын:
«75. ВАК-тың жұмыс органы ұсынған құжаттарды ВАК сегіз жұмыс күні ішінде қарайды және тиесілі субсидиялар сомасын көрсете отырып, осы Қағидаға 19-қосымшаға сәйкес нысан бойынша АШТӨ тізімін қалыптастырады және оны аудан (облыстық маңызы бар қала) әкіміне, ал Астана мен Алматы қалалары бойынша – қала әкіміне бекітуге жібереді. Бұл ретте субсидиялауға жататын тыңайтқыштардың және (немесе) гербицидтердің көлемі бөлінген бюджет қаражаты мен әрбір АШТӨ-нің егіс алаңдарының мөлшері ескеріле отырып, АШТӨ-нің өтінімдеріне тең белгіленеді.

Осы АШТӨ тізіміне енгізуден бас тартылған жағдайда жұмыс органы АШТӨ-ге тізім жасалған сәттен бастап үш жұмыс күнінен кешіктірмей бас тарту себебін көрсете отырып жазбаша хабарлама береді.»;

76-тармақ алынып тасталсын;
80-тармақтың бірінші абзацы мынадай редакцияда жазылсын:
«80. Басқарма ВАК-тың жұмыс органы тізім ұсынғаннан кейін бес жұмыс күні ішінде осы Қағидаға 20-қосымшаға сәйкес нысан бойынша:»;

81-тармақта:
1) тармақша мынадай редакцияда жазылсын:
«1) басқарма өндірушіге арзандатылған тыңайтқыштар алуға арналған АШТӨ-нің жиынтық тізілімін жасағаннан кейін екі жұмыс күні ішінде ұсынады.

Осы Қағиданың 71-тармағына сәйкес қосымша өтінімдер қабылданған жағдайда жергілікті атқарушы органдар белгілеген мерзімде басқарма өндірушіге арзандатылған тыңайтқыштар алуға арналған АШТӨ-нің қосымша жиынтық

тізілімін

ұсынады»;» ;

3) тармақша мынадай редакцияда жазылсын:

«3) басқарма өндіруші құжаттарды тапсырған сәттен бастап үш жұмыс күні ішінде :

ұсынылған құжаттарды тексереді, өндірушіге тиесілі бюджеттік қаражат көлемін айқындайды ;

осы Қағидаға 22-қосымшаға сәйкес нысан бойынша тыңайтқыштардың іс жүзінде сатылған көлемі жөніндегі актіні жасайды, бекітеді және өндірушіге жолдайды ;

осы Қағидаға 23-қосымшаға сәйкес нысан бойынша тыңайтқыштардың құнын ішінара арзандатқаны үшін өндірушіге субсидиялар төлеуге арналған ведомость қалыптастырады . » ;

82-тармақтың 3) тармақшасы мынадай редакцияда жазылсын:

«3) гербицид жеткізушілерден сатып алынған гербицидтерге субсидиялар алу үшін басқарма АШТӨ-нің жиынтық тізілімдері негізінде оларды жасағаннан кейін үш жұмыс күні ішінде осы Қағидаға 23-қосымшаға сәйкес нысан бойынша АШТӨ-ге субсидиялар төлеуге арналған ведомость қалыптастырады.»;

83-тармақтың бірінші абзацы мынадай редакцияда жазылсын:

«83. Тиесілі субсидияларды АШТӨ-нің және өндірушілердің банк шоттарына аударуды басқарма төлемдер бойынша жеке қаржыландыру жоспарына сәйкес ай сайын, тиісті айдың 30-күніне дейін аумақтық қазынашылық бөлімшесіне екі данада төлем шоттарымен қоса төлем шоттарының тізілімін ұсыну арқылы жүзеге асырады . » ;

көрсетілген Қағидаға 6-қосымшада:

2-тармақтың үшінші абзацы мынадай редакцияда жазылсын:

«заңды тұлғаны тіркеу (қайта тіркеу) туралы куәліктің немесе анықтаманың көшірмесі (жеке тұлға үшін – жеке басын растайтын құжаттың және дара кәсіпкерді мемлекеттік тіркеу туралы куәліктің немесе анықтаманың көшірмелері) ; » ;

көрсетілген Қағидаға 18-қосымшада:

3-тармақ мынадай редакцияда жазылсын:

«3. Тіркеу туралы куәлік немесе анықтама _____» ;

(№, кім және қашан берген)

2. Осы қаулы алғашқы ресми жарияланғанынан кейін күнтізбелік он күн өткен соң қолданысқа енгізіледі.

Премьер-Министрі

*Қазақстан Республикасының
С. Ахметов*

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК